

人物志序



新疆之地殆所謂得其隱秀者也夫秀而曰隱則觀其
外象多悃悞而無華甚或劣陋可厭而叩其中之所藏
者乃能麟焉炳焉具瑰竒卓犖之觀收英多磊落之用
至隱也而至費也坤之六三曰含章可貞章者含之言
隱德也君子遯世无悶不見世而无悶一旦出身治世
則千里之外應之言而為天下法動而為天下則亦範
圍不過而曲成不遺蓋章之可貞惟含而得其妙用積
之者甚厚則流之也愈光其隱彌深其秀彌著夫固有

新疆圖志

人物志序

不期然而然者新疆荒寒僻陋之區耳觀於其山則積
雪增冰童童無草木而頑石确犖橫岡平行初無峯巒
起伏為龍拏虎攫之狀乃五金之產所在多有喀喇沙爾則產

銅和闐葉爾羌則產金塔瓦克則產銀剛合買提則產鉛是也觀於其水大者不能勝

舟楫潺湲山谷間所謂岸芷汀蘭螺青鴨綠者莫之或

睹乃塔里木三水匯流則白玉綠玉烏玉參互錯出桑

谷柎雅二山谷出水分流回入統呼為桑谷柎雅其中則金玉皆產每逢秋曰土人入山採取一次則

金玉並生其中凡若此者皆觀於外而罔知其秀也謂

之隱秀不其然乎且夫人物者秉山水之氣而挺生者

也西域舊爲胡屬其人多羗夷種類觀其外貌則面目
黧黑高顴隆準深目廣頰毳毼多鬚髯幾於自頂至踵
無一秀骨而所識之字蜿蜒如蝌蚪所誦之書名爲天
經而譯作漢語顧其辭多不雅馴搢紳先生難言之居
恒奉爲師且官者曰喇嘛有紅教黃教之別曰阿琿回經
暨布魯特和碩特土爾扈人所奉者也詳見禮俗志曰莫洛大亦阿琿回之屬哈薩
者曰毛刺通事曰伯克官宦者部之人受其命令焉率
多庸惡劣陋僂賤粗鄙惟利是求罔知禮義之士其所
衣則袷祥鞋鞞毳毼率粗鄙無文飾其所食則牛

新疆圖志

人物志序

二

酪馬湮腥羶不可嚮邇間有取精用宏者烹羊包羔即
爲上食其所居住則甌脫穹廬俗謂蒙羶棚毳帳湫隘
囂塵全眷合寢罔知遠別其所執業則逐水草以事畜
牧能爲工作負販操耒執鞭者總明智識即已爲高人
一等噫嘻欲於此中求人物得毋期膠鬲於魚鹽魚鹽
不必遇膠鬲期傳說於版築版築不必遇傳說乎而不
謂窮搜厯史旁攷諸家遠軼舊聞近徵實事猶於土著
中得若而人流寓中得若而人竟能稟然以成帙也夫
乃歎天地之善氣無往而不伸即無人而不賦雖在神

奸巨蠹劇盜貪夫自朝至於日昃多行不義而肆無忌
憚至於夜氣得所養平旦得所存莫不有炯然不昧者
用悔禍於厥心故一息有悔禍之明即一息有爲善之
路此戎翟之人所以能通乎中國而建爲事功光緒史
册也孔子曰言忠信行篤敬雖蠻貊之邦行矣言善之
可與人同也然善與人同者有感而斯應有觸而斯通
亦氣類相召耳但磁石引鍼必先具鐵之性質而後鍼
方爲引琥珀拾芥必先具木之性質而後芥方爲拾使
蠻貊之人不先有忠信篤敬之本性與其生以俱來吾

新疆圖志

人物志序

一一一

恐言雖忠信行雖篤敬其氣類扞格於無形亦未能行
乎蠻貊而勝任愉快也則西域之人物皆於隱秀中得
之其理有斷然不爽者十室之邑必有忠信十步之內
必有芳草吾觀於此而益信焉雖然上有好者下必有
甚君子之德風小人之德草也西域雖自漢唐以來便
通中國然皆用羈縻之術使不爲寇盜而已初未嘗以
仁育義正者行其教化猶能保固有之性而成其爲人
物如是矧以

聖王御宇化溥文明禮樂之興徧乎異族文章之盛覃及殊方

吾知數年數十年後此邦人物必且抒其隱秀而濬發
乎靈明變化乎氣質將與山水之所鍾毓金玉之所蘊
藏者悉出而鼓吹乎休明謳吟乎

盛世也猶歟休哉是爲序

宣統三年歲次辛亥九月既望撫新使者渦陽袁大化

謹序

新疆圖志



人物志序

四

新疆圖志卷一百十三

人物志一

土著

謹案新疆爲西域故地而漢唐以來三十六國之中與中國相通最早者爲伊吾爲高昌爲于闐爲車師爲輝和爾爲衛拉特交通旣近往來較多其間人物尚可徵諸史乘而得之其餘湮沒不彰者蓋不可勝紀也茲先列乎土著以別乎流寓云

昔班書叙古今人物表考論先哲其後晉人常璩撰華

新疆圖志

人物志一

陽國志因襲斯體爲士女志二卷所以彰微闡幽者厥例大備然必有所徵信而後能永其傳故孔子曰夏禮吾能言之祀不足徵也殷禮吾能言之宋不足徵也文獻足則能徵之西域戎翟之地騎射之俗自漢唐以來二千餘年文教闕寂無得而稱而山川竒偉之氣發皇震盪魁桀之士武力之臣攀鱗附翼亦往往崛起於其間惜乎簡冊流傳代不數人其沉淹磨滅者迺至不可勝數豈非荒裔之外無文字傳記以垂諸久遠歟而軼事遺聞間有存者其亦有幸有不幸歟今甄采史傳補

綴舊文著之於篇然而忠臣烈士節女義夫湮沒而無傳者猶十之五六也嗚呼可勝慨哉

漢

堂邑奴甘父故胡人也善射從張騫使西域行時百餘人爲匈奴所拘留後潛行凡歷大宛大月氏大夏康居十三歲窮急時射禽獸以給食堂邑父得還漢封堂邑父爲奉使君

蔡昧大宛貴人也初漢使至宛者昧即以禮相待武帝聞大宛產汗血馬心好之使壯士持千金以請大宛善

新疆圖志

人物志一

二

馬宛不肯予漢使怒妄言而去宛貴人怒曰漢使輕我遣郁成王遮殺漢使武帝怒遣李廣利伐宛道遠食乏士多道斃不利後益發戍甲卒十餘萬復伐之北漢兵至宛敗其軍進圍宛城宛貴人恐殺其王出善馬令漢自擇廣利取善馬三千匹擇宛貴人之賢者而立之蔡昧故時與漢善因立爲大宛王與盟而還

昆莫難兜靡子也月氏攻殺難兜靡奪其地人眾亡走匈奴子昆莫初生其傅布就翎侯抱亡置草中爲求食還見狼乳之又烏銜肉翔其旁以爲神遂持歸匈奴單

于愛養之及壯以其父民衆與之使將兵數有功時大月氏已爲匈奴所破昆莫自請單于求復父仇遂西攻破月氏月氏西走徙大夏地昆莫略其衆因留居兵稍強會單于死昆莫不肯復朝事匈奴匈奴遣兵擊之不勝益以爲神而遠之漢後以公主妻昆莫使東居烏孫故地遂爲烏孫國王

莎車王延於元帝世嘗爲侍子於京師慕樂中國及王莽之亂匈奴畧有西域惟延不肯附屬嘗謂諸子曰當世奉漢家不可負也

新疆圖志

人物志

二二

莎車王康延太子也嗣位後率傍國拒匈奴擁衛故都護吏士妻子千餘口檄書河西問中國動靜竇融乃承制立康爲漢莎車建功懷德王西尉大都尉五十五國皆屬焉

莎車王賢於建武十七年復遣子奉獻請都護帝賜賢西域都護印綬及車旗黃金錦繡當世榮之

尉屠耆樓蘭王子初爲質於漢傅介子既刺殺樓蘭王安立尉屠耆爲王可刻印章賜以宮女爲夫人備車騎輜重丞相率百官送至橫門外祖而遣之王自請曰國

中有伊循城其土肥美願漢遣一將屯田積穀令得依其威重漢乃遣吏士以鎮撫之更名其國爲鄯善

唐

阿史那社爾東突厥處羅可汗名俟利弗失之次子也貞觀十四年以交阿道行軍總管平高昌諸將咸受賞社爾以未奉詔秋毫不敢取太宗美其廉賜高昌產銅刀雜綵千段詔檢校北門左屯營封畢國公二十一年以崑邱道行軍大總管與契苾何力郭孝恪楊弘禮李海岸等五名軍發鐵勒十三部及突厥騎十萬討龜茲

新疆圖志

人物志一

四

師次西突厥擊處密處真敗之入白焉耆西兵出不意龜茲震恐進屯磧石伊州刺史韓威以千騎先進右驍衛將軍曹繼叔次之至多禍城其王率眾五萬拒戰威與繼叔合殊死戰大破之社爾因拔都城王輕騎遁社爾留孝恪等守之自率精騎追躡行六百里王據大撥換城嬰險自固社爾攻凡四十日入之禽其王并下五大城遺左衛郎將權祇甫徇諸酋長示禍福降者七十餘城宣諭威信莫不歎服刻石紀功而還因說于闐王入朝王獻馬畜三百餉軍西突厥焉耆安國皆爭犒師

孝恪之在軍也牀帷器用多設金玉以遺社爾社爾不受帝聞曰二將優劣不復問人矣帝崩請以身殉衛陵高宗不許遷右衛大將軍永徽六年卒贈輔國大將軍并州都督陪葬昭陵治冢象慈山謚曰元

契苾何力鐵勒歌楞易勿施莫賀可汗之孫貞觀十四年爲慈山道副大總管討高昌平之始何力母姑臧夫人與弟汝門在涼州沙門爲賀蘭都督十六年詔何力往祝母薛延陁毘伽可汗方強契苾諸酋爭附之乃脅其母弟使從何力驚謂其下曰上與爾有大恩且遇我

新疆圖志

人物志一

五

厚何遽反皆曰可敦都督去矣尙何顧何力曰弟往傳足矣我以義許國不可行衆執之至毘伽牙下何力箕踞援佩刀東向呼曰有唐烈士受辱賊廷耶天地日月鑒臨吾志即割左耳示不屈毘伽怒欲殺之其妻諫而止何力之被執也或讒之帝曰何力入廷陁如涸魚得水其脫必遽帝曰不然若人心如鐵石殆不背我會使至言狀帝泣下即詔兵部侍郎崔敦禮持節許延陁尙公主因求何力乃得還授右驍衛大將軍公主行有日何力陳不可帝曰天子無戲言旣許之可奈何何力曰

禮有親迎宜詔毘伽身到京師或詰靈武彼畏我必不來不來則姻不成而憂憤不知所出下必携貳不及一年交相疑沮毘伽素很戾不死死則二子爭國內叛反攜不戰而禽矣帝從之毘伽果不敢迎抑鬱不得志恚而死少子拔酌殺其庶兄突利失自立國中亂如其策云後以崑邱道總管平龜茲

莫賀達于突騎施酋長也開元二十六年突騎施殺其可汗蘇祿二十七年八月乙亥磧西節度使羞嘉運招突騎施于賀邏嶺戰其可汗吐火仙二十八年立那史

新疆圖志

人物一

六

那斯爲十姓可汗莫賀達于聞之怒曰平蘇祿我功也令立斯詔何遂誘諸部以叛詔羞嘉運招諭以莫賀達于爲突騎施可汗已而斯竟爲莫賀達于所殺西突厥遂亡復安西節度使夫蒙靈祭討莫賀達于斬之突騎施亦漸衰

哥舒翰西突厥首領哥舒部之裔也父道元爲安西都護將軍赤水軍使故仍居安西翰少讀春秋識大義初從節度使王倕倕攻沂城使翰經略稍知名後王忠嗣署爲牙將遷左衛郎將吐蕃寇邊翰每出戰持半段槍

迎擊所向輒披靡名蓋軍中擢右武衛將軍爲河源軍使天寶中封西平郡王子曜字子明德宗詔曰爾父開元中朝廷無西憂令得卿亦不東慮遷河南尹

尉遲勝子闐王珪之長子也天寶中入朝獻名玉良馬元宗嘉之妻以宗室女授右衛將軍與安西節度使高仙芝擊破薩崧播仙以功加銀青光祿大夫至德初聞安祿山反乃命弟曜行國事自將兵五千赴難國人固留不聽卒以少女爲質而行肅宗待之甚厚授特進兼殿中監廣德中拜標騎大將軍于闐王今還國勝固請

新疆圖志

人物志一

七

留宿衛加開府儀同三司封五部王勝請以本國王授曜詔從之勝乃於京師修行里盛飾林亭以待賓客建中從行奉天兼御史中丞貞元初曜遣使上疏言勝旣讓國請傅子勝又固辭且言曰曜久行國事人皆悅服銳生京華不習國俗不可遣當是時兄弟讓國人多賢之卒贈涼州都督

石演芬西域人李懷光畜爲假子懷光與朱泚通謀演芬使客郃成義詣行在言懷光無破賊意請罷其總統成義走告懷光懷光召演芬罵曰爾爲我奈何欲破吾

家今日負我宜即死對曰天子以公爲股肱公以我爲
腹心公負天子我安得不負公且我胡人惟知事一人
苟免賊名而死死甘心矣懷光使左右鬻食之皆曰烈
士也可令速死以及其勁事聞贈兵部尙書斬成義於
朔方

史大奈本西突厥特勒

特勒即鐵勒突厥可
漢庭即今烏魯木齊地

隋大

業間歸中國從征遼東有功拜金紫光祿大夫分其部
落於樓煩會唐高祖舉兵大奈率衆以從敗隋將於飲
馬泉從太宗討薛舉平王世充竇建德劉黑闥有功賜

新疆圖志

人物志一

八

姓史封竇國公

新唐書本傳並文
獻通考突厥傳

裴玢疏勒人先世本疏勒王初爲鄜坊牙將節度使王
栖曜卒中軍將何朝宗作亂玢捨以待命詔斬之擢玢
司馬踰年授節度使徙山南西道爲治嚴峻遠勢利不
務朝貢疏食敝衣居處取避風雨而已倉庫充實百姓
安之當世將帥無有及者卒諡節新唐書本傳
朱邪執宜系出西域突厥唐德宗時其父朱邪盡忠居
北庭之金滿州吐蕃破北庭徙之甘州乃悉衆三萬部
落歸唐吐蕃追之盡忠道戰死執宜集餘衆歛靈州塞

詔以爲山陰兵馬使使率所從李希朝鎮太原料其勁卒號沙陀軍天子伐鎮州以兵七百爲前鋒敗王承宗衆數萬蔡州之役攻拔凌雲柵累官代北行營招討使子赤心官振武節度使賜姓名李國昌即晉王克用父

也五代史後唐本記

白孝德安西人

唐時安西在塔里木東

事光弼爲偏裨史思明攻河

陽使驍將劉龍仙挑戰加右足馬鬣上嫚罵光弼光弼使孝德斬其首以還後累功至北庭行營節度使遼

新疆圖志

人物志一

九

科里裕悅回部人太宗會同四年三月特授回鶻使并賜旌旗弓劍衣馬有差

哈喇準布酋長太宗會同四年九月命爲本部額爾奇木

赫魯世穆宗乳媪之兄也應歷二年六月命爲阿克蘇錫林額爾奇木

托歡和珍回鶻安進吐蕃都圖皆諸部酋長也統和七年自宋歸來皆賜衣帶

濟喇準布酋長也太平六年討回鶻阿爾斯蘭部徵兵

諸路獨濟喇後至立斬以徇是謀自立而限於力者
蕭罕嘉努字糾堅納喇部人嘗言準布諸部自來有之
太祖西征至於流沙準布望風悉降西域諸國皆願入
貢統和間出師西域拓土既遠降服亦衆自後一部或
叛鄰部伐之使同力相制正得馭遠人之道

金

馬慶祥字瑞寧本名蘇爾濟蘇先世自西域入居臨洮
以馬爲氏後徙家淨州天山厯官鳳翔府路兵馬都統
管判官元光元年與元兵戰於澮水兵敗被執不屈死

新疆圖志

人物志一

十一

元

巴哩珠阿勒坦德濟伊都呼者高昌國主號也先世居
輝和爾之地自布克漢爲之君長傳三十餘世至伊嚕
勒德濟數與唐人相攻戰於是唐以金蓮公主妻其子
格呼勒德濟居和琳伯哩伊嚕勒德濟卒又數傳遷交
州厯九百七十餘載而至巴哩珠阿勒坦德濟臣於契
丹聞太祖興朔方遂殺契丹所置監國等官欲來附未
行帝遣使使其國伊都呼大喜即遣使入奏曰臣聞皇
帝威德即棄契丹舊好方將通誠不自意天使降臨下

國自今而後願率部衆爲臣妾遂以金帛入貢辛未朝
帝於吉魯爾阿奏曰陛下若恩顧臣使臣得與陛下諸
子之末庶幾竭犬馬之力帝感其言使尙公主伊埒鄂
端且得與於諸子與拓伯納延征哈瑪爾蘇坦回回諸
國將部曲萬餘人紀律嚴明所向克捷又從帝征尼沙
布爾並阿西皆有大功既率次子諤古埒濟德濟嗣

哈蘇納

原作哈散納

奇雅納氏

原作怯烈亦

太祖時從征王漢有

功命同飲班珠爾河之水且曰與我共飲此水者世爲
我用後管領諤爾根軍從太祖征西域下賽瑪爾堪布

新疆圖志

人物志一

十一

哈爾等城至太宗時仍命領諤爾根軍後以疾率子訥
古伯襲從憲宗攻釣魚山有功卒後子薩顯勒密實襲
薩題勒密實率子茂巴爾襲充桂齊千戶遷西域親軍
副都指揮使

阿喇勒烏蘇回鶻巴鄂爾氏仕其國爲千夫長太祖征
西域駐蹕巴鄂爾之地阿喇勒烏蘇率其部曲來降從
帝親征旣破瀚海軍又攻輪臺高昌于闐塔什干等靡
戰不克後卒於軍中

塔本伊吾廬人人以其好揚人善稱之曰揚公屢從太

祖征伐軍士有妄殺者必戒之鎮興平地經兵燹民無
生意乃召父老問所苦悉爲除之盜李仙等作亂止誅
首惡宥其誑誤卒謚忠武追封涼國公子阿爾濟蘇特

穆爾元史本傳

阿爾濟蘇特穆爾嗣父職爲興平等處行省都元帥爲
治一遵先政興學養士輕徭薄賦薄雖同僚不敢干以私
役一民從大軍伐高麗有功卒謚武襄子阿勒台

阿勒台爲平灤路達嚕噶齊請減鹽酒等稅細民不征
置甲乙籍以籍民力民甚便之進懷遠大將軍歲饑發

新疆圖志

人物志一

十二

粟賑民全活甚衆僚屬始至必餽鹽米牲噐曰非有他
欲其不剝民耳姻族貧者日有常給民或不能葬則資
助之灤爲孤竹故國乃廟祀夷齊勵風俗焉卒賜忠亮
子德時威蘇

德時威蘇延祐間爲河間路總管屬歲饑出俸金及庫
儲賑之活數十萬人河間當水陸要衢供億勞費立法
調遣民皆稱便復建言增置便習弓馬尉一人益邏兵
之數於是盜賊屏息陵州羣兇爲民害悉收繫死獄中
遷遼陽行省參知政事子索約勒哈陶默色

索約勒哈默色爲監察御史時詔起大利於京而壽安
山與同列上章極諫言東作方始而興大役以耗財病
民非所以祈福會治書御史索諾木以夙恐嫉臺諫密
譖於上殺之泰定初追封郡公諡貞愍

哈勒噶齊必魯輝和爾人也性聰敏習事國王約蘇特
穆爾伊都呼聞其名自錫哩瑪勒國徵爲斷事官約蘇
特穆爾卒于巴哩珠阿勒坦德濟伊都呼年幼西遼王
珠爾漢遣使據其國且召哈勒噶齊必魯至則以爲諸
子巴哩珠阿勒坦德濟聞太祖明與其子伊德實伊納

新疆圖志

人物志一

十二

克馳歸太祖大悅即令諸皇子受學焉仍令伊德實伊
納克以質子入宿衛從帝西征至巴實伯里東獨山尺
城空無人帝問此河山對曰獨山城往歲大饑民皆徙
他所然此地當北來要衝宜耕種以爲備臣昔在錫哩
瑪勒國有戶六十願徙居此帝曰善遣伊德實伊納克
佩金符往取之父子皆留居焉後六年太祖西征還察
田野墾闢民物繁庶大悅問哈勒噶齊必魯薨已死矣
乃賜伊德實伊納克都督印兼獨山城達魯噶齊
塔塔圖該輝和爾人也性聰慧善言論深通本國文字

奈曼迺延漢尊之爲傅命掌金印及錢穀事太祖西征
奈曼國亡塔塔圖該懷印逃俄就擒帝詰之曰迺延漢
人民疆土悉歸於我汝負印何之對曰將以死守欲求
故主授之耳安有他帝曰忠孝人也問是印何用對曰
出納錢穀委任人材一切事皆用之以爲信驗耳帝善
之命居左右嗣後凡有制旨始用印章仍命掌之又命
教太子諸王以輝和爾文字圖書太宗即位仍掌內府
玉璽金帛命其妻烏赫哩氏爲皇子哈喇徹爾乳母時
加賜予塔塔圖該召諸子諭曰上以汝母鞠育太子賜

新疆圖志

人物志一

十四

予甚厚當先供太子用有餘則可分受帝聞之謂侍臣
曰塔塔圖該以朕所賜先供太子其廉介可矣知由是
數加禮遇以疾卒至大元年贈中奉大夫追封雁門郡
公

伊爾特穆爾回鶻人輝和爾國相多伊克裔也兄必里
克布哈年十六襲國相達爾罕時西契丹方強威制輝
和爾命太師僧沙克嘉臨其國驕恣用權奢淫自奉輝
和爾王患之謀於必里克布哈對曰能殺沙克嘉挈吾
衆歸蒙古破且震駭矣遂率衆圍沙克嘉斬之以功加

號必里克呼爾敦進授妻門必濟號和斯繼勒有疾其
功者譖於王曰沙克嘉珥珠先王寶也必里克布哈匿
之盍魯索勿失其王怒索寶甚急必里克布哈度無以
自明乃亡附太祖賜以金虎符以弟伊爾特穆爾爲質
必里克布哈卒伊爾特穆爾從太祖征討多立戰功皇
弟特穆爾鄂綽克求師傅帝命伊爾特穆爾往訓導諸
王子以孝弟敦睦仁厚不殺爲先帝聞而嘉之

莽吉蘇輝和爾人世居巴實伯里古北庭都護地幼有
奇質年十五盡通本國書太祖聞之召至闕下一見大

新疆圖志

人物志

十五

悅曰此兒目中有火他日可大用以授睿宗使視顯懿
莊聖皇后分邑歲賦復事世祖於潛藩日見親用憲宗
崩莽吉蘇言於世祖曰神器不可久曠太祖嫡孫惟王
最長且賢宜卽皇帝位諸王塔齊爾伊遜克哈坦等咸
是其言世祖卽位眷顧益重至元四年卒年六十有二
博囉哈雅輝和爾人也祖伊勒必哈雅父濟達哈雅俱
以功爲其國世臣博囉哈雅幼孤就學舅氏通本國字
書尤精騎射年十八隨其主內附充宿衛太祖西征博
囉哈雅扈從不避勞苦帝嘉其勤以吉嚕漢女舒穆魯

氏配之太祖崩諸王來會選使燕京總理財幣還莊聖
太后聞其廉謹求之於太宗凡中宮軍民匠戶之在燕
京中山者悉命統之授真定路達魯噶齊辛卯歲拜燕
南諸路廉訪使旋授斷事官使職如故時斷事官得專
生殺多倚勢作威而博囉哈雅小心謹密慎於用刑有
誤毆人死者吏治以重罪其子號泣請貸死博囉哈雅
戒吏使擒於市懼則殺之至則不懼乃曰誤毆人死情
有可宥子而能孝義無可誅遂併釋之使出銀以資葬
埋且呼死者家諭之其人樂從俄遷順德等路宣諭使

新疆圖志

人物志一

十六

至元二年卒年九十六性孝友造大宅於燕京自輝和
爾國迎母來事之得祿不入私室幼時叔父阿勒巴哈
雅欺之盡有其產及貴築室宅旁迎阿勒巴哈雅居之
弟伊特格森哈雅以宿憾爲言毫不爲動帝賞賜以大
府綬絹等物弟求四之一納其國賦盡與之無吝色初
拜廉訪使命下之日子希憲適生喜曰吾聞古以官爲
姓天其以廉爲吾姓乎故子孫皆姓廉後有奏曠氏仕
進者多宜稍汰世祖曰博囉哈雅功多子孫亦朕所知
大德初贈儀同三司大司徒追封魏國公諡孝懿

廉希憲字善甫博囉哈雅子也初侍世祖於藩邸一日方讀書聞召急懷孟子以進世祖問讀何書對曰孟子問其說以性善人義保民致王之旨對世祖嘉之稱爲廉孟子世祖即位遂大用得展其濟世之才西定秦隴東靖齊魯北安遼碣南撫荆湖在中書六年以王道贊襄當時翕然稱治帝嘗命受國師戒對曰臣受孔子戒矣帝曰孔子亦有戒耶對曰爲臣當忠爲子當孝孔子之戒如是而已卒諡文正追封魏國公晉贈恒陽王子六人孚恪恂忱恒惇並顯仕丞相史天澤曰廉公宰相

新疆圖志

人物志一

十七

中真宰相男子中真男子人以爲名論云

本傳及神道碑

廉希賢字達甫伯父博囉哈雅嘗曰是兒剛果必大吾家至元初北部王拘殺使者奉命往諭之至則布上意詞旨條暢王悔謝十二年春授禮部尙書持國書使宋至獨松關爲守者所戕明年宋亡執仇人張儒殺之詔護其喪歸

元史本傳

廉和斯哈雅字公亮希憲從子幼孤言及父輒泣下居母喪哀毀踰禮護喪渡江值風濤作仰天悲呼風遽止嗣登進士第同知順州提舉滿速勒奪民田同列畏其

勢和斯哈雅案治之不少縱拜監察御史大臣有貪猥
狼籍者^紅抗章劾之遷都水監疏會通河隄灤漆二水又
修東京閘歷秘書丞上疏諫迎佛骨謂費財蠹俗時躋
其言擢河南行省右丞會有詔發民治決河屬郡騷然
數上書言不便時宰不能用而天下多故矣終翰林學
士承旨制誥前後凡三入史館元史本傳
徹伯爾和卓賽音人賽音西域部之族長也因以為氏
和卓其官稱也徹伯爾長身美髯雄勇善騎射初謁太
祖於軍中一見異之太祖與克哱王漢有隙一夕王漢

新疆圖志

人物志一

十八

潛兵來攻倉卒不為備軍大潰太祖引去從行者僅十
九人徹伯爾與焉至班珠爾河餼糧俱盡荒遠無所得
食會一野馬北來諸王哈扎爾射之殪遂煮而啖之太
祖舉首仰天而誓曰使我克定大業當與諸人同甘苦
苟渝此言有如河水將士莫不感泣王漢既滅西域諸
部次第亦平

扎哈齊哩克台氏以軍伍長從太祖同飲班珠爾河水
庚午從征奈曼有功賜良馬一壬申從征庫楚克諸國
復賜珍珠旗佩金虎符既而得西域識金綺紋工三百

戶命扎哈世掌焉

和斯摩哩西域古則鄂爾多人太祖西征和斯摩哩率哈三等城酋長迎降大將哲伯以聞帝命和斯摩哩從拈伯爲先鋒攻奈曼克之斬其主庫楚類哲伯令和摩哩持庫楚類首往徇其地若喀什葛爾葉爾羌鄂端諸城望風降附又從征尼沙布爾城諭下之帝親征至賽馬爾堪與其主扎拉鼎合戰於卓勒新濟齊之地再戰於圖滿山追至漢顏城西寨皆大敗之扎拉鼎逃入於海和斯摩哩收其珍寶以還取伊嚕格勒德沁兩城繼

新疆志圖

人物志一

十九

而漢顏城亦下帝遣使趣哲伯疾馳以討欽察命和斯摩哩招諭奇爾台實喀喇烏蘇等城悉降至庫爾哲部又阿克蘇部以兵拒敵皆戰敗而降又招降赫林城進擊俄羅斯於塔勒山克之獲其國王密濟特薩勒哲伯命和斯摩哩獻諸卓沁太子斬之尋征喀喇至伯資巴里城與主呼圖克薩哈勒戰又敗其軍遂平欽察軍還哲伯卒帝以和斯摩哩從軍西域宣力居多命長子諾綽巴襲爲懷孟達嚕噶齊

蘇爾約蘇圖和琳輝和爾人仕其國爲烏魯謬齊太祖

時與其父來歸從征回回國還事睿宗於潛邸睿宗分
真定地以爲本路斷事官子巴勒巴寧世祖爲博囉齊
鷹房萬戶又從裕宗北征至扎哈尼嚕古命歸守真定
未幾命行省揚州巴勒巴辭曰臣自幼未嘗去陛下願
侍左右改隆興府達嚕噶齊遙授中書右丞

達實高昌人有謀畧爲國人所推服太祖西征高昌國
主懼召達實與謀達實知天命有歸勸其主納降稱臣
以安其國由是號爲尙書子伊拉齊

伊拉齊驍勇善戰所將部落又強大太祖班師諸王勸

新疆志圖

人物志一

二十一

帝招之太祖是其議詔給驛馬五百迎與俱來旣至甚
器重之太祖西征伊拉齊別從親王阿齊台與敵戰有
功甚見親遇王嘗以絳蓋障日坐聞伊拉齊奏事稱善
久之旣退撤其蓋送之十里遂兼長四環衛之筆且齊
後從大軍伐金戰功日取多子特爾格齊

特爾格齊伊拉齊長子也沈鷲有才至元中爲德府達
嚕噶齊適士人蔡知府據城叛特爾格齊冒突石先登
身被數創力戰平之主將將屠城持爾格齊曰叛者蔡
知府數人耳城中何預焉豈可濫及無辜主將感其誠

魏城獲全時軍興簿檄急特爾格齊以國書記之無遺
失者帝甚嘉焉官至嘉議大夫婺州路達噶齊封國
公子雅爾堅雅里

雅爾堅雅里至元間以中書省宣諭使使河南適汴鄭
大疫命所在村郭構廬舍備醫藥以畜病者全活其衆
又承中書檄徵考上都儲峙及還帝賜錦衣貂裘以旌
其能終湖南路達噶齊子海壽

海壽官杭州路達噶齊招復流民甚著恩惠封范陽
郡侯諡惠敏

新疆志圖

人物志一

一一一

鄂扎兒齊姓嘉納氏克實密爾人與弟納摩俱學浮屠
氏兄弟相謂曰世道擾攘吾國將亡東北有天子氣益
往歸之乃偕入覲太宗禮遇之太宗師事納摩以鄂扎
克齊佩金符奉使省民瘼憲宗尊納摩爲國帥授玉印
總天下釋教鄂托克齊亦貴用事領克實密爾萬戶奏
曰克實密爾西陲小國尙未臣服請往諭之詔偕近侍
以往其國主不從怒而殺之帝爲發兵誅國主元貞元
年封代國公諡忠達

薩奇蘇回鶻人其國阿塔都督托果斯之次子也初爲

太祖弟烏珍筆且齊領王傅世祖卽位授北京宣撫遷
經畧統軍二使兼益都路達魯噶齊卒年六十六贈安
邊經遠宣惠功臣

巴哩珠阿勒坦高昌國王也聞太祖起朔方遣使入奏
願率所部爲臣僕來朝尙公主奉命征哈瑪爾蘇勒坦
回回諸國紀律嚴明所向克捷從帝征泥沙布爾征河
西並有功孫和爾齊哈喇

和爾齊哈喇至元十二年都勒幹率衆十二萬圍火州
和爾齊哈喇曰吾聞忠臣不事二君吾生以此城爲家

新疆志圖

人物志心一

二二二

死以此城爲墓終不能從彼也圍六月未解敵射書城
中索其女謂從則解去不然且急攻和爾齊哈喇曰吾
何愛一女而不以救民命乃以茵載女縋城下與之圍
遂解後入朝帝嘉其功妻以公主賜鈔十萬錠振其民
還屯哈密海都兵忽至率所部與戰力盡死之子納琳
納琳詣闕請兵北征以復父仇時年尙幼帝壯其志賜
金帛數萬妻以公主會吐蕃亂詔爲宣慰司領本部兵
往鎮之威德明信賊用歛迹仁宗稽實錄封爲高昌王
別賜金印子特穆爾布哈

特穆爾布哈父夢請以王爵讓其叔奇徹台叔力辭乃
嗣爲高昌王泰宣中拜平章政事行省湖廣文宗召還
京師佐平大難時湖南左丞有嫉媚害政者詔誅之乃
爲申請曰是誠有罪然罪不至死人服其雅量官至中
書左丞相讓其弟齊奇襲王爵

哈噶斯阿蘇特氏主阿克蘇國太宗兵至其境哈噶斯
率衆來降賜名巴圖爾錫以金符命領其土尋奉旨選
克蘇軍千人及其長子阿都齊扈駕親往旣還阿都齊
人直宿衛哈噶斯還國道遇敵人戰歿救其妻威穆蘇

新疆志圖

人物志一

二二三

領兵守國威穆蘇躬擐甲胄平叛亂後以次阿法布代
之世祖至元十一年命阿法布之子拜達勒錫千戶佩
金符時錫里濟叛詔拜達勒領阿克蘇軍一千往征之
與昂吉爾珠爾噶岱軍戰於雅里復與永和爾戰於圖
喇及鄂勒歡之地十五年春至巴雅爾之地與策凌軍
合戰五月駐兵額哩頁與威喇台溫綽格色等軍合戰
其大將塔斯布哈樹木爲柵積石爲城以拒大軍拜達
勒督勇士先登拔之達勒矢中右股伯楞奇默色以其
功聞授虎符定遠大將軍後衛親軍都指揮使兼阿克

蘇軍充阿克蘇巴圖達噶齊二十二年征巴實伯里軍於伊拉袞綽和爾之地與托噶博索瑪軍戰有功二十六年征抗愛敵勢甚盛大軍乏食其母諾延章輸已帑及畜牧等給軍食世祖聞而嘉之賜予甚厚大德四年拜達勒卒

實保輝和爾人父吉勒伯格齊智勇過人聞太祖北征領兵來歸從征回回國數立功將重賞之自請爲本國古魯城達噶齊從之仍賜種田戶三百卒實保事世祖潛邸命長筆且齊中統元年以爲真定路達噶齊

新疆圖志

人物志一

一一四

改戶部尙書

伊勒濟呼濟哈雅輝和爾人中統三年呼圖克暨達里叛領兵平之至元十二年佩虎符爲隴右河西道提刑按察使烏魯斯呼爾實雅謀亂從皇子安西王往鎮之十七年進嘉議大夫仍居舊職二十年進中奉大夫四川等處行中書省參知政事尋以疾卒追封威甯郡公阿錫貢西域佛哩人通諸部語工星厯醫藥二司後改廣惠司仍命長之至元十三年奉詔使西北宗王鄂勒歡所還拜同平章政事固辭擢秘書監領宗福使大德

元年授平章政事

巴延原鮪蒙古巴林部人曾祖蘇嚕克圖事太祖爲巴

林部左千戶祖阿拉襲職兼斷事官父舒庫爾台世其

官從宗王錫里庫開西域巴延長於西域至元初錫里

庫遣人奏事世祖見其貌偉聽其言厲曰非諸侯王臣

也其留事朕與謀國事恒出廷臣右世祖益賢之敕以

中書右丞相安圖女妻之若曰爲巴延婦不慚爾氏矣

二年七月拜光祿大夫中書左丞相諸曹白事有難決

者徐以一二語決之衆服曰真宰輔也四年改中書右

新疆圖志

人物志一

一一五

丞七年遷回知樞密院事十一年大舉伐宋與史天澤
並拜中書左丞相

伊克穆蘇輝和爾人也至元二年入備宿衛屢使絕域

以榮祿大夫平章政事爲集賢院使兼會同館事卒封

吳國公

郭羅洛納新系出西北郭囉洛因以爲氏元時色目人

散處天下故納新居鄞縣以薦授翰林編修天才宏富

於元好問爲近所著有金臺集河朔訪古記

齊齊克輝和爾人性至孝侍親不願仕以祖蔭讓其叔

父元史孝友傳

伊蘇岱爾喀喇人父阿勒巴巴雅濟呼太祖時率衆來歸以五十戶從軍南征戰死伊蘇岱爾世其官從丞相巴延征宋有功進懷遠大將軍管萬戶東征征日本全軍而還移鎮秦州籍民丁爲兵得萬人以爲欽察親軍指揮使統之大德元年以疾卒

巴勒巴輝和爾人事世祖從征哈喇章征額呼布格均以功膺賞賜命行省揚州辭曰臣自幼未嘗去陛下願侍左右改隆興府達魯噶齊遙兼中書右丞諭之曰是

新疆圖志

人物志一

一一八

朕舊居地汝往治之卒後贈司徒子四人皆仕季子琳沁官中書平章政事有政績元史本傳

雅爾朶輝和爾氏集賢大學士圖烈子也仁宗奉興聖太后出居懷州從者多懷去志雅爾朶獨無所畏難成宗崩勸仁宗入定大計迎立武宗累官侍御史兼將作院使聞有繡工工官大集民間婦女居肆督責吏因爲奸雅爾朶奏罷之閩人感悅仁宗即位拜中書平章政事請召舊臣咨朝政又請以中都苑囿還諸民其於國家事有不便者知無不言言無不納然韜晦隱寧不洩

於外卒贈趙國公諡忠敬

阿爾哈雅事武宗仁宗與兄雅爾戴並見信任入侍帷幄其踐省闈者十餘載在廷無間言至治初出爲平章政事歷鎮江浙湖廣河南陝西皆有惠政文宗入承大統復命鎮汴時改元之詔傳播未徧羣藩猶懷窺覬陝西官府結連靖安王等起兵東擊潼關破虎牢掠鄧州賴阿爾哈雅徵兵峙糧部署素定又疏請降詔招諭大敵脅從註誤始得解散難平乃丐西人釋俘虜凡數千人陝西官吏被獲者皆遣還官終中書平章政事

新疆圖志

人物

二一七

貝降北庭人弱冠從丞相阿珠南伐常登先陷陣爲慶元路治中屬歲大饑躬詣行省請賑民賴全活蘭溪州民葉一王十四有美田宅鄉宦范某欲奪之不可因誣以事擊獄十年貝降至釋葉王而置范於理州民咸快焉遷浙東廉訪使同寅有貪賄者悉劾免之終工部尙書諡貞惠

唐仁祖字壽卿輝州人性穎悟早孤母教之讀書通方言尤邃音律中統初詔諸貴胄爲贊帝親閱之見仁祖曰是唐古直孫耶聰明無疑也俾習國字至元六年

官至翰林學士贊善大夫知制誥兼修國史以疾卒年五十三贈榮祿大夫平章政事

喇卜丹回回氏西域茂薩里人至元八年世祖遣使徵礮匠於宗王額哷布格王以喇卜丹伊斯瑪音應詔二人舉家至京師給以官舍首造大礮豎於五門前命試之各賜衣段

諤爾根薩里輝和爾人通曉經史百家初宿衛內朝有告宋宗室反者逮捕之使已發趣人諫謂言者必妄江南初定不宜以浮言譟動人心帝立召使者還械言者

新疆圖志

人物志一

一一八

下郡治之果得仇誣狀擢朝列大夫勸帝用儒術治天下又請優給國學廩餼拜平章政事因北京地震請罷徵利司以塞天變詔下之日天下皆相慶成宗立召對不名嘗語之曰朕昔在潛邸誰不願事朕者卿雖召不至今乃知真得大臣體追封趙國公諡文定子三人長岳柱

岳柱字兼山官江西行省平章政事有告富民負永甯王官帑者中書遣使徵之使至江西岳柱以事涉誣罔不奉令僚佐重宰執意岳柱曰民爲邦本傷本斂怨亦

非宰相福也使者復命中書聞言感悟詰治得實罪誣告者桂陽人張思考等嘯聚二千人宣諭司使發兵往捕岳柱不可曰有司不能撫綏民乃欲興兵以害民耶遣人詣賊巢諭以禍福賊曰致我爲非者兩巡檢司耳我輩何敢有異心諭使復業一方以甯性寬恕人欺之不可意或問之則曰彼自煩也我何與焉

伊埒圖巴爾阿克蘇人嘗出獵遇虎於隘張吻欲噬乃以手探虎抉其舌拔佩刀刺殺之憲宗立阿克蘇軍使領其衆數從征伐以功授本軍千戶後從大軍南征宋

新疆圖志

人物志一

一一九

將洪福旣降復叛以計乘醉殺之子約幹實

約幹實阿克蘇人襲父職爲阿克蘇軍千戶珠爾噶岱叛率所部兵擊之至和囉噶圖擒其將實喇徹爾斬於軍其衆悉平諸王和琳等叛從皇子北安王討之至鄂勒歡河無舟躍馬涉流而渡俘獲甚衆時北安王方戰失利陷敵陳中約幹實從諸王永和爾追敵至金山王乃得脫歸賜金虎符進定遠大將軍前衛親軍都指揮使

額森龔爾輝和爾人幼事世祖於潛邸從征有功官至

陝西行省平章政事謝歸隴右十年卒

托里實克輝和爾人襲父職爲武德將軍羅羅斯副都元帥同知宣慰司事屢征有功入覲授三珠虎符加懷遠大將軍羅羅斯宣慰使兼管萬戶後入覲卒於京師塔喇齊喀喇人也事世祖屢從征討以功加鎮國上將軍三珠虎符廣西兩江道宣慰使都元帥金瘡發卒追封臨郡公

烏魯斯喀喇氏曾祖哈斯巴延國初時欵附爲莊聖太后牧官祖海都從憲宗攻釣魚山歿於陳父莽賚特穆

新疆圖志

人物志一

三十一

爾世祖時爲筆且齊後爲太府少監烏魯斯當至元十九年爲內府筆且齊二十一年封監察御史遷雲南行省理問領雲南王府事二十八年平楊都要等九月進中奉大夫賜虎符大德六年授通奉大夫羅羅斯宣慰使兼管萬戶進正奉大夫至大二年召還以瘴癘卧病不起皇慶二年卒年五十六贈光祿大夫益國公

嘉魯克鼐達實輝和爾人通天齋教及諸國語翰林承旨安藏扎薦達實於世祖召入朝命與國師講法國師西番人言語不通帝因命嘉魯克鼐達實從國師習其

法及言與字期年皆通以輝和爾字譯西天番經論進之帝命鐫板賜諸王大臣西南小國星噶爾德威二十餘種來朝嘉魯克鼎達實於帝前敷奏其表章諸國驚服成宗即位遷榮祿大夫大司徒憐其老命乘輦入殿仁宗即位議汰冗官獨嘉魯克鼎達實爲司徒如故仍加開府儀同三司是年八月卒

明安喀喇氏至元二十年授定遠大將軍中衛親軍都指揮使明年賜佩虎符領桂齊軍北征又明年立桂齊軍都指揮使司命爲本衛達魯噶齊二十九年以功陞

新疆圖志

人物志一

三二一

定遠大將軍桂齊軍都指揮使司達魯噶齊大德二年復將兵北征與海都戰七年歿於軍

阿實克布哈喀喇國王族也初太祖拔喀喇時其祖母臧密古瑪里氏新寡有二子曰庫魯克曰雅雅皆幼以國破無依遂驅駝負子至京師帝命有司治邸舍具廩餼以居焉居二年聞國中已定謁帝欲歸帝曰汝昔何爲而來今何爲而去且問其所欲對曰臣妾昔以國亂無主而歸陛下今聞國已定欲歸守墳墓耳妾惟二子雖愚無知願留事陛下帝大喜立召二子入宿衛而禮

遣之後十三年復來則二子已從憲宗伐蜀矣庫魯克無子雅雅後封康王生六子阿實克布哈最賢年十四入侍世祖會西番遣使者有所奏請既諭遣之後數日帝問近侍諸大臣曰前日西使何請朕何辭以遣諸大臣莫能對阿實克布哈從旁代帝甚詳帝因怒諸大臣曰卿等任天下之重反不如一童子也後事武宗見帝顏色日悴乃進曰八珍之味不知御萬金之身不知愛而麴蘖是耽姬嬪是娛如雙斧伐孤樹未有不顛倒者也帝大悅曰非卿孰爲朕忠言自今毋愛於言朕不忘

新疆圖志

人物志一

三二一

也至大二年十月薨于位年四十七贈純誠一德正憲保大功臣中書右丞相追封順寧王諡忠烈

察罕西域巴喇勒哈城人父布都訥歲庚辰國兵下西域舉族來歸贈榮祿大夫宣徽使察罕魁偉穎悟博覽強記通諸國字書爲行軍府鄂囉千戶鄂囉齊參政至元二十四年從鎮南王征安南師次瀘江安南世子遣其叔父詣軍門自陳無罪王命察罕數其罪而責之二十八年授樞密院經歷皇慶元年進榮祿大夫平章政事乞歸解州立碑先塋許之暮年居德安白雲山別墅

以白雲自號嘗入覲帝望見曰白雲先生來也其被寵
遇如此帝嘗問張良何如人對曰佐高帝興漢功成身
退賢者也因范仲淹所撰碑詞甚熟帝歎息良久曰察
罕博學如此也常以病請告歸里帝曰知足不辱今見
其人

必嚕匝納實哩北地瑪拉國人幼熟輝和爾及西天書
長能貫通三藏及諸國語大德六年奉旨從帝師受戒
於廣寒殿代帝出家更賜今名皇慶中命繙譯諸梵經
典延祐間特賜銀印及光祿大夫

新疆圖志

人物志一

三三二

呼魯蘇巴哩勒都氏曾祖博勒和罕札事太祖從平諸
國充巴勒喇實千戶祖蘇爾台年十五能騎射以勇畧
稱從征欽察爲千戶領兵下西番父昂吉爾岱初爲軍
器監官奉旨使西域籍地產悉得其實帝方欲大用之
而卒呼魯蘇初直宿衛後以千戶從征納延馳馬奮戈
衝擊敵營矢如雨身被三十餘創成宗親督左右出
其鏃命醫療之以其功聞後以千戶從皇子庫庫楚出
征還留鎮軍中以功授榮祿大夫司徒賜銀印

托里哈雅輝和爾氏世居巴實伯里曾祖庫克布色塔

濟當太祖西征導其主伊都呼迎降帝壯其識欲官之辭以不敏祖巴喇珠始從真定仕至帥府鎮撫富而好施或貸不償則火其券人稱爲長者父齊哩克齊性純正知讀書托里哈雅幼嗜學警敏絕人性整暇雖居倉卒未嘗見其急遽至治三年遷淮東宣慰使七月卒贈通奉大夫

徹爾特穆爾阿魯威氏祖父累立戰功爲西域大族徹爾特穆爾幼沉毅有大志早備宿衛擢中書直省舍人遂拜監察御史天歷二年拜中書右丞尋升中書平章

新疆圖志

人物志一

二四

政事黃河清有司以爲瑞請聞於朝徹爾特穆爾曰吾知爲忠臣爲孝子天下百姓安爲瑞餘何益於治至元元年拜中書平章政事

博羅特穆爾字國賓高昌人以江東廉訪副使選爲襄陽路達魯噶齊順帝十一年奉行省檄援穀城與賊相持及襄陽失守乃率衆二百人且戰且退遇沔陽府達魯噶齊耀珠等因糾合義兵破賊於楊湖港又敗諸潛江縣會賊大至力戰抵暮身被數創麾從子瑪哈實哩使去曰吾以死許國汝毋留此從子泣曰生死從叔父

既而被執賊請回爲逆怒罵之遂遇害從子率家奴求其屍復與賊戰均歿於陳舉家死者三十六人

布琳尼敦北庭人官山南南訪使按臨所部威惠翕然至正十二年寇犯中興以兵禦之射殺甚多賊稍却明日賊復擁衆襲東門與之戰被執不屈死

巴延布哈德齊字蒼崖輝和爾氏駙馬都尉中書令丞相高昌王舒穆德濟之孫駙馬都尉浙江行省丞相荆南王多喇德濟之子也性倜儻好學曉音律厯官至江東道廉訪使至正十八年陳友諒遣賊黨王奉國寇信

新疆圖志

人物志

二二五

州巴延布哈擊走之發數日賊復來攻奮擊大破之幾虜奉國陳友德繞城樹木柵攻益急又遣叛人高義來誘降巴延布哈數其罪而斬之由是日夜與賊鏖戰糧竭矢盡氣不少衰拒守五閱月至殺老弱爲食士疲不能戰萬戶奎瑪里以城降遂自刎諡桓敏

沁布阿咱爾字子仁高昌人官監察御史劾權相旺嘉奴十罪出爲贛州路達嚕噶齊摘奸發伏一郡肅然至正十八年陳友諒遣其將辛文才率兵圍贛使脅之降沁布阿咱爾斬脅降使日擐甲胄登陴拒守凡四閱月

將士疲不能支萬戶某欲舉城降遂自刎諡愀哀
察罕特穆爾字廷瑞北庭人幼篤學慨然有當世之志
至正間汝穎盜起察罕奮義起兵平晉冀泰山東諸盜
拜中書平章政事知河南山東樞密院事陝西行台中
丞爲王士誠所刺贈推誠定遠宣忠亮節功臣開府儀
同三司上柱國左丞相封忠襄王

阿都齊阿蘇特氏父哈噶氏主阿克蘇國太宗兵至其
境率衆迎降阿都齊扈駕親征還直宿衛從征西川征
額爾布格征李璫登先陷陣嘗矢中腹不懼至元五年

新疆圖志

人物志一

二一六

同布達台領兵南征攻破金剛臺從攻安慶府下松江
諸郡有功戍鎮巢爲宋將洪福所害世祖憫其死厚恤
其家子拜達勒

拜達勒襲職千戶時錫里濟叛詔領阿克蘇軍千人從
征至額里頁敵樹木爲柵積石爲城以拒拜達勒督勇
士先登拔之以功授定遠大將軍充阿克蘇巴圖達嚕
噶齊復從征巴實伯里征愛抗皆有功征愛抗時敵軍
甚盛大軍乏食其母諾延章輸已帑及畜牧給軍世祖
聞而嘉之賜予甚厚

道通高昌人自號石巖性沉默寡言以世胄入官歷官清要素負能名加大司徒後守撫州城陷爲陳友諒兵所害諡忠烈

達爾瑪高昌人歷官至河南行省右丞改翰林學士承旨遷陝西行台中丞年六十九致仕全俸優養終身阿史那社爾突厥處羅了漢之子也年十一以智略聞處羅可漢汗拓設建牙於磧北頡利亡西突厥亦亂社爾詐往降之襲取其地幾半有衆十餘萬乃曰破我國者薛延陀也我當爲先可漢汗報讐擊滅之諸部皆諫社爾不從遂擊之

新疆圖志

人物志一

二二七

明

吳允誠蒙古人居甘肅塞外塔溝地永樂三年率其部落五千因宋日成來歸自是降附日衆邊境日安由允誠始七年往亦集覘敵禽哈喇等二十餘人進都督同知明年出塞敗本雅失里與中官王安追闊脫赤至把力河獲之封恭順伯

李英西番人洪武中歸附成祖末年中官喬來喜鄧成等使西域道遇賊見殺掠所齎金帛仁宗敕英與上官

指揮康春等進討遂率兵西入賊驚走追擊踰崑崙山
深入數百里遇賊大敗之

毛忠西陲人祖拜都征哈密戰歿父寶鏡勇充總旗忠
襲職時年二十膂力過人正統三年從都督蔣貴征朶
兒只伯先登陷陣大獲十一年從總兵官任禮收捕沙
州衛都督喃歌部落徙之塞內進都指揮使

國朝

達什策楞本厄魯特宰桑歸順後授散秩大臣將軍兆
惠攻霍集占命與侍衛璠綽爾圖等率百人捉生口爲
新疆志圖
人物志一
二二八
賊遮所力戰被執不屈賊鈎其手足數日乃死

敕照陣亡例賜卹璠綽爾圖別有傳

玉努斯喀什噶爾回部郡王道光六年張格爾之亂隨
參贊慶祥辦理軍務城陷死之照提督例議卹
愛馬特庫車回部郡王同治三年五月回變帶兵拒賊
力戰陣亡

敕照例議

伯錫爾哈密回部郡王先世自康熙三十七年編旗世
効忠順同治三年秋漢回焚掠關廂戕把總高萬清城

幾不守伯錫爾率纏回奮擊賊始四竄四年西路賊陷漢城請巴里坤兵復之傾家財以給兵餉復饋糧濟巴城饑軍五年冬賊大舉犯境官兵敗於柳樹泉伯錫爾遣人齎印幣赴巴城乞援而自禦賊於頭堡力戰被執賊詰請兵狀瞋目唾罵曰欲盡滅狗黨耳手奪矛刺二賊斃遂遇害時年七十餘賊割伯克夏斯林耳鼻數日始殺之碎骨颺灰焉事

聞

贈封親王建祠哈密以夏斯林阿克都拉巴海附祀

阿布都爾滿葉爾羌阿奇木伯克也道光六年張格爾

新疆圖志

人物志一

二一九

之亂副將永貴以兵一千六百人赴明約洛禦之全軍敗沒葉爾羌辦事大臣璧昌召諸伯克諭以禍福協力守城分兵防科熱巴特巴爾楚克諸要隘回兵屯回漢兩城之間官兵屯東門外賊馬步萬餘來撲我兵極力擊之賊衆潰走是戰也阿奇木伯克布都爾滿之力居多

詔授副都統銜

薩拉爾準夷舊宰桑也知達瓦齊將亡攜其部衆歸順乾隆二十年平準之役以右副將軍協贊戎機屢立戰

功伊犁定後

詔授二等超勇伯

濟爾噶爾都爾伯特部中驍傑也乾隆二十二年間平回準二部戰功最多

詔授領隊大臣副都統

霍集斯回部中王族也以擒達獻達瓦齊功

賜爵郡王黑水之圍佐將軍兆惠堅守頗著勞績

鄂對回部傑出之英也將軍兆惠平伊犁時歸附圍攻庫車鄂對備知賊中形勢以告將軍敗其援賊後守和

新疆圖志

人物志一

四十一

詔授貝子銜

闐被圍二月困守孤城與噶布舒極力扞禦以待援師

鄂齊爾與扎薩爾回部人也持稍一呼千賊披靡克定回部頗著勞績

詔授內大臣圖形

紫光閣

阿玉錫厄魯特部人也乾隆二十年平伊犁達瓦齊退保格登山阿玉錫率二十餘人間道夜襲其後諸賊大潰達瓦齊率數百騎遁降萬餘人

詔授散秩大臣喀喇巴圖魯

達什策凌衛拉特部人也額駙策凌受創達什策凌衛護以出圍暗啞叱咤千人辟易以功

詔授散秩大臣騎都尉

玉當素筠冲望族也能通回情既納六城

詔授內大臣哈密郡王移鎮烏什

阿什默特烏什右族也乾隆二十三年將軍兆惠移師西征阿什默特負弩從戎往收和闐風鶴之時孤城兀守以功

新疆圖志

人物志一

四一

詔授回部公和闐阿奇木伯克

噶爾默特回族也軍門再款願効前驅出入諸艱終始一節以功

詔授回部公喀什噶爾阿奇木伯克

馮木特達瓦齊舊宰桑也守札哈沁勇健異常策凌歸順馮木特追攔直入卡塘不及而退邊臣知其勇以計誘而擒之乾隆十九年阿睦爾撒納來降馮木特悉其狡詐陳言彼雖歸附心乃豺狼二十年伊犁定達瓦齊就擒以阿睦爾撒納爲雙親王兼左副將軍與將軍班

第同駐伊犁阿睦爾撒約煽誘諸部果叛時馮木特以
養疴他適聞變急赴又無兵衛手力三賊力盡馬僵被
執見阿逆不屈唾其面撒納怒縊死之奉

旨賜卹贈都統

李廷舉昌吉拔貢官陝西扶風訓導生平言笑不苟事
母以孝聞母歿水漿不入口者數日廬於墓服闋乃歸
同治三年罵賊不屈被害子成章舉鄉試武科亦剛正
人謂忠節之報

連登甲鎮西人歲貢生僑寓古城授徒直回亂携眷走

新疆圖志

人物志一

四二一

匿南山賊酋安得璘聞其名遣人迫敦爲記室登甲謂
家人曰吾讀聖賢書肯從賊作入幕賓乎仰藥而死
黃某奇台貢生佚其名官陝西延川教諭本回族也子
震邑附生同治間逆賊陷城舉家殉難

王朝貴古城回民家巨富長子廉援例爲太學生同治
間叛回脅令從逆朝貴堅執不可遣次子棟避難乃積
薪於室驅合家十餘口焚之已亦赴火死

舒泰庫爾喀喇烏蘇北鄉車排子鄉約同治三年之亂
倡團保境旋奉檄入城助剿奮不顧身累戰皆捷復戰

於五道橋力屈被執厲聲罵賊釘其手足於窗數日乃死

王秉正廸化武舉同治三年六月與義民吳敖徐學敏俱以送糧濟軍遇賊戰死

李得興呼圖壁人同治三年六月督鄉團擊賊被執支解之

李殿魁古城人於賊圍攻時竭力助守城陷力戰死之閱數日戚屬入城棺斂顏色如生其母妻先投井死

楊寅楊存兄弟也俱阜康義民同治之亂縣令裕厚札

新疆圖志

人物志一

四二二

令帶勇防堵城陷裕厚逃寅存舉家殉難同時死事者有外委楊福春云

安三安四俱呼圖壁人性毫俠不事產業以樗蒲爲生庸俗多輕之同治三年六月十二日叛回陷烏魯木齊十二日下昌吉諸路聞風逃竄城邑幾空賊前旂至呼拒城里許城中員弁皆潛匿市人倉卒不知所向二人集好義者十二人指天瀝血誓以必死相與掉臂奮往遇回騎於道徒手相格回衆披靡會後旂麇至以鎗矛攢刺之二人肉袒奮呼與諸義民盡力搏擊創甚猶不

少懈賊後至者益眾遂與十二人俱遇害至今言回事者猶嘖嘖於十二人不置云

張和奇台人集鄉里健兒殺賊自成一隊名與孔才掙同治四年秋與賊戰於濟木薩殲賊四百以功保藍翎六品銜五年秋與巴里坤兵復奇台古城濟木薩三城六年復哈密遂駐防哈密之三堡明年西路賊大股犯境拒戰力不支死之和戰功最著未蒙叙錄遽死論者悲之

李恒秀奇台附生捐貲練團與賊遇於小屯戰死

新疆圖志

人物志一

四四

徐學義迪化義民驍勇善戰與其兄學功練團抗賊賊深憚之同治十一年與帕夏戰於迪化城南中礮陣亡